

ANGIRUT HIVUNIKHAANUN (“AIP”)

UNA AGIQATIRIIGUT iniqhimayut Niqiliqivik 18-mi 2022-mi ukunanga **NUNAVUMI IGLULIQIYINIT KUAPARIISIUYUMIT (“NHC”) NCC-kunilu PIVALIAYULIQIYIT HAVAKVIUYUMIT (“NCC”)**

IMAINMAT, NCC-kut tamaat nanminiriyauyuq ilagini NCC-kut Maniknik Atuqtitiyunit Ikayuqtiriinit Timiuyumit, Inuit Havakvia uqatiaqtauyuq Nunavumi Agiqatiriigunmi tamat (100%) Inuit nanminigiya Nunasi Kuapariisiuyumit, Sakku Maniknik Atuqtitiyunit Kuapariisiuyumit, Qitiqmiut Kuapariisiuyumit Qiqiqtaaluk Kuapariisiuyumilu;

IMAINMALU, Nunasi Kuapariisiuyuq, Sakku Maniknik Atuqtitiyuq Kuapariisiuyuq, Qitiqmiuni Kuapariisiuyuq Qiqiqtaalukmilu Kuapariisiuyuq pivaliayuliyit kuapariisiuyuq tamaat (100%) nanminiriyauyuq Qitiqmiuni Inuit Katimayiinit, Kivaliq Inuit Katimayiinit Qiqiqtaalukmilu Inuit Katimayiinit, inuit timiqutigiyait nunaqaqnikulu havakviuyut kivgaqtuivlutik Inuinaqnik Nunavumi ilagani Nunavumi Agiqatiriigunmi;

IMAINMALU, NHC-kut NCC-kulu piqaqmata qafinik ilaujutinik atuqtunik ikayuqtunik pivaliajutinik atulirumayaayumik ikayuqtiriikniqmik pivaliayaagani naunaitunik iniqtiqakhanik Nunavumi, unalu –

- Pivallialugit Inuit havangnirmun amigaitilaangit tunihilutiklu Inuinnarnun pijaghanik havaaghanik havaaghaniklu napaqtirirnirmun
- Tunihilutik anginirharmik iglutigut ihuaqhaidjutighanik Nunavunmiunun tapkua pidjutiqaqtut anginirharmun niuvaajunun igluqaqtunulu nakuunirmun
- Aulapkaliqlugit inuuhiringnaqtut maniliurutit inungnunlu utiqtaqtut, ukualu, ikajuqhugit nunamingni Nunavunmiut nunallaat

IMAINALU, tamaknik ilaayuk takukmanik atuqniqatiaqtumik pivalianiganik hakugiktumik ikayuqtiriikniqmik ukunanga Kavamanit Nunavumi nunataaqnikulu havakviuyunit ajikutainik NCC-kut qahakhiliriagani katiniginik hakugikniriyavut pipkaijutini amigaitqiyaniq iglukhanik Nunavumiut;

IMAINMALU, Nunavumi iglunik niuvaavikhaq agiyumik ihariagiyaupqialiqmat, paakhivlutik amihunit piyumayauniginik naamayuniklu atuqtakhanik;

IMAINMALU, atuqat 2018-mi Kanatami Igluliqijutinik Naunaiyaut, qaniguani 35%-guyut tamaini agilrariyaayunik Nunavumi inugiakpalaamata, hanayariaqaliqhutik/ akituvalaaqhutikluniit; ilaganilu nalautaaqtauyut qafiuniginik iglukhat atuniitut piyariaqaqtut 2022-mi qanituani qafiuniginik 3-tausit 5-hananit 4-tausinmut atuniitut iglukhat;

IMAINMALU, taimanit NHC-kut niuvigainik havaamniklu atuqtitijutinik pigiarutit pijutauqataqmata taimaitariaqaginiganik akituniginik, ahianiklu niuvrutaayunik pigiarutinik qiniqtaukmata nanihinahuariagani akituvalaagitunik iglukhanik atuqtakhanik;

IMAINMALU, una Katujiluta-kut havaakhitaunigani ihuaqhaqhimayuq havaqatiriikhutik tamaita ilaayut Maligaliuqviki Katimayit, ukualu, kivgaqtuiyit pigahunit Nunani Inuit Katimayiinit Nunavut Tungavit-kunilu Timiuyumit. (NTI). Havaakhijutaayuq uqatiaqtuq atuqniqatiaqnganik iglukhanik atuqluaqtumiklu turaaqvikhamik amigaiqpaaliriagani iglukhat atuqtauyukhat Nunavumi ikiniqhanik 1-tausinik nutaanik atuniitunik iglukhanik ukiakhami 2025-mi;

IMAINMALU, NHC-kut taja pivaliakmata hivitutqiyamik tautukuuyaaqtamnik atuqhimaariagani una amigainiginik nutaat iglukhat atuqtauyukhat turaaqvikhaq amigainigini atulaaqhunilu 3-tausinik nutaanik iglunik atuniitunik ukiuq 2030 tikitpat;

IMAINMALU, NHC-kut NCC-kulu ilauyumakmata uumani AIP-mi nalunairiagani havakvikmiknit aturumayainik pitquhiuyulu ataniqtuutauniaqtuq havauhiqmik havaqatiriikniqmi pivalianiganik atulirumayauyuq nalunaiqtuq agiqatiriigutauyuq ukunanga NHC-kunit NCC-kunilu (atautimut, “**Ilauyut**”) uqautauyumi Ilagani uiaguata 2-mi aaliuyumi.

TADJA TAIMAITTUMIKTAUQ Ilauyut anggiktait hapkuat:

1. Ukua pitquhiuyut ataniqtuutauniaqtut havauhiqmik havaqatiriigutimi turaaqviqariagani atulaaqtumik naunaitumik agiqatiriigutikhamik:
 - (a) ilauyut agiqatiriigutikhaliuqniaqtut pitiaqlutik pinahuariagani atuliqnikhaanik naunaituup agiqatiriigutip uqatiaqtumik atulirumayaminik ikayuqtiriikniqmik uqatiaqtumiklu havauhikhanik pivikhaqaqnginiklu NHC-kut aipaagutuaraagat hanayakhamiknik nahuriyamiknik aturiaqaqtamniklu (una “**Nalunaiqtuq Agiqatiriigut**”) uqautauyumik uiguani 2-mi aaliuyumi;
 - (b) ilauyut ilitaqhiyut akituvalaagitut igluukhat Nunavumiunit qayaknaqtuq ilagiyaa aulaniqatiaqnikhap ukiuqtaqtumi;
 - (c) atuqhimaginaqniga akituvalaagitut igluukhat Nunavumi pijutiqaqtut pivalianignit ayuiqhaniginilu Inuit Nunavumiulu nanihilaagtunik havaakhamik hanaviuyuni havakvikni;
 - (d) Inuit Havakviit Nunavumilu Manikhaqhiurutauyut, utautauyut NNI-mi Maliruakhani Nakataanilu 24-mi Nunavumi Agiqatiriigunmi, ila, atulaaqqiat, ikayuqtauniaqtut manikhaqhiurutinit atuqtakhanit hatqiqpaliayunik pipkaijutinit igluukhanik atuniitunik;
 - (e) takuukhautiaqngit kiujutiqaqngigilu ukua NHC-kut NCC-kulu qayaknaqniaqtuq ilagiyaa atulirumayauyumik agiqatiriigunmit ukunanga malruuknit ilauyuknit; unalu
 - (f) uqautauyut uvani AIP-mi inuknut uqautauniaqtuq.
2. Aulirumayauyuq Nalunaiqtuq Agiqatiriigut ilaqaqniaqtuq, ilagani aalat havauhikhat qanurinkhainiklu agiqtauniaqtuq Ilauyunit, pivikhaqaqngit ukunaga ilagiyaini:
 - (a) amigainigit iglukhat atuniitut (ukualu itiqtiqviulaktut iglukhat, Inuit iglukhait, akituvalaagitut iglukhat niuvigauyukhalu igluut atuniitut) hanayauyukhat NCC-kunit niuvigauyukhat atuqtaulaklutikluniit NHC-kunit, ilalu, manikhaakhat NHC-kunit NCC-kunit akituvalaagitunik iglukhanik niuvigakhalu igluut atuniitit hanahauyukhat NCC-kunit niuvigauyukhat atuqtaulaktukhaluniit akiliqhilaagtunik/niuvilaagtuniluniit iglunik kivgaqtuqtanit atuqngani agiqatiriigutauyup;
 - (b) iniriiqhimayut pivikhaqaqngiganik/atuqtukhamik aipaagutuaraagat nutaaguqtiqnginik ahianikluniit agaqatiriigutunik pinahuaqtauniaqtut ilauviulutiklu akituniginik iglukhat hanayauyukhat atuni ukiumi;
 - (c) ublua piyaagani, ukiutaraagat, NHC-kut itqaipkainiaqtuq NCC-kunik qafiuniginik, qanurituuniginik (ila Inuit igluukhanik, akituvalaagitunik iglukhanik, taiamaitunik) inikhainiklu igluut upalugaiqtauyuq hanayauyaagani tikitukhami ukiumi;
 - (d) ublua piyaagani, ukiutaraagat, NCC-kut pipkainiaqtut havaap akituniginik iglukhanik upalugaiqtauyunik tikitukhami ukiumi;

- (e) havauhiq ila, ukiutaraagat, pijutiqaqtut ilaayut ihivriughivakniaqut ihuagilugulu havauhikhamik aipaarutaraagat agiqatiriigutunik hanayauvagiagani nutaat iglukhat aulaqtiriaqlutik kiguliqmi ukiumi;
 - (f) naunaitut havauhiluani naunaiyautit pijutiqaqtut Inuit Nunavumiulu ayuiqhavikhainik hanayauniginik hivuani hanayukhigiqnigini, havaklutiklu ayuiqhaniqmi hanayunilu havauhiuyuni;
 - (g) ihuiliijutiqaqtat ihauqhautikhanik ihauqhautikhanik;
 - (h) atulaaqtumik aturuiqnginik ihumaaqhuutait Ilaayut;
 - (i) upalugaiyautit ikayuqtiriinit inuknik uqaqatiriigutunik tamainilu agirutainik tuhaqtitijutiliqiyit tuhaqtitaagani; unalu
 - (j) munariyauniganik angiagiyaayut/nanminiriyainik hivuniqhijutainik Ilaayut havavikmiknilu kivgaqtuqtimiknit havaakhitamiknilu, pijutiqaqtut aturiaqaqtunik maliganit.
3. Ilaayut agiqhimayut havaqatiriigiamikni agiqatiriigutikhamik atuliqniganiklu Nalunaiquup Agiqatiriigutip turaaqviuyuq Ukiaghani 2022 tikitpat.
 4. Atuni Ilaayut kagiqhiyut agiqhimavlutiklu atuni havaaqaqnginik nanminik akiligakhamiknik hatqiqtunik ilagiyaanit Naunaitiaqtumi Agiqatiriigutimi, ukualu ukuaginaugitkaluahutik, maligatigut maniliqijutinilu akiligakhanik, ihumagigilugu una Nalunaiqtuq Atiqatiriigut aniguqtitaumagaa.
 5. Uqauhiuyut uvani Agiqatiriigunmi pijutaayut ilagiluaqtaanik uuma Agiqatiriigutip piyariaqaliqalu ihumagiyauliqat kagiqhijutanik qanuriniikhaanik, tukitaarutainik pijutigiyainiklu uuma Agiqatiriigutip.
 6. Una Agiqatiriigut pijutaugituq hatqiriagani tamainit aturiaqaqtumik maliganit aturiaqaqtunik tuniyauniginikluniit kituliqaa ihumaqhuutit Ilaayuni. Taimainigani, kituliqaa Ilaayutnit aturiaqaqgitut iniqtiriagani maniliqijutit kihiani uvaluniit ilaayut sainiqhihimaliqniqata pipkaihimaliqatalu Nalunaiqtumik Agiqatiriigutimik.
 7. Una Agiqatiriigut atuliqniaqtuq sainiqtauhimaliqaq aturuiqtaulunilu kitumiliqaa ilaayumit titiraqnirumi itqaijutikhamik ilaginuut Ilaayunut ataumimi.
 8. Una Agiqatiriigut ataniqtuqtauniaquq maligauyunik Nunavumit kavamatuqanilu maligauyunit Kanatami atulaaqtunik hamani. Ilaayut talvuuna atulimagitut maligauyunik ataniqtuijutualuaqtunik apiqhuyuliyiyinit Nunavumi.
 9. Una Agiqatiriigut atuliqtaulaaqtuq qaritauyakut tuniyauniganit malruknilu ilagiyaini, atuni taimaa atuliqtaugumik ihumagiyauniaquq titiraqahimayauniganik ilagiyailu taimaitut atautimut ihumagiyauniaquq atauhiuyutut ajikutaaniklu ihuaqutauniganik.

[Atanguyat Titiraqtaa Ilaayukhat Uvani]

TAKUYAUYUMIK UKUA ilauyut atuliqhimakmajut una Agiqatiriigut ubluani hivuliqmi quuliuyut titiraqnigini.


NUNAVUNMI IGLULIQIJIRJUATKUT

Talvunamut:  _____

Atia: Eiryn Devereaux

Havaakhap Atia: Angijuqqaq

NCC-kut PIVALIAYULIQIYIT HAVAKVIUYUMIT

Talvunamut:  _____

Atia: Clarence Synard

Havaakhap Atia: Angayuqqaq